

Ҳақсевар, она юрт, мангу бўл обод!

# ТОШКЕНТ ҲАҚИКАТИ

Вилоят ижтимоий-сиёсий газетаси

TOSHKENT HAQIQATI

1928 йил 11 декабрда асос солинган • 2002 йил 27 март, чоршанба • №24 (11.412) • Эркин нархда сотилади

Ўзбекистон Республикаси Президентининг  
**ФАРМОНИ**

## 2002 йилнинг 1 апрелидан бошлаб иш ҳақи, пенсиялар, стипендиялар ва ижтимоий нафақалар миқдорини ошириш тўғрисида

Республика аҳолисининг даромадларини янада ошириш ва фуқароларнинг ижтимоий муҳофазасини кучайтириш мақсадида:

1. 2002 йилнинг 1 апрелидан бошлаб бюджет муассасалари ва ташкилотлари ходимларининг иш ҳақи, барча турдаги пенсиялар ва ижтимоий нафақалар, олий ўқув юртлири талабаларининг, ўрта махсус ва ҳунар-техника билим юртлири ўқувчиларининг стипендиялари ўрта ҳисобда 1,15 баравар оширилсин.

2. 2002 йилнинг 1 апрелидан бошлаб Ўзбекистон Республикаси ҳудудида:

энг кам иш ҳақи — ойига 3945 сўм;  
ёшга доир пенсия — ойига 7800 сўм;  
ягона тариф сеткаси бўйича бошланғич (нулинчи) разряд — ойига 3945 сўм;  
болаликдан ногиронларга бериладиган нафақа — ойига 7800 сўм;

зарур иш стажига эга бўлмаган кекса ёшдаги ҳамда меҳнатга лаёқатсиз фуқароларга бериладиган нафақа — ойига 4725 сўм миқдоридан белгилансин.

3. Белгиланган қўйилсинки, иш ҳақига қўшилладиган устам ва қўшимча ҳақларнинг барча турлари, шунингдек пенсиялар, икки ёшгача бўлган болаларни тарбиялаётган оналарга, болалик оилаларга бериладиган нафақалар ҳамда энг кам иш ҳақига нисбатан белгиланган бошқа тўловлар 2002 йил 1 апрелдан бошлаб мазкур Фармонда белгиланган энг кам иш ҳақи миқдоридан келиб чиққан ҳолда амалга ошириладиган.

4. Ўзбекистон Республикаси Меҳнат ва аҳолини ижтимоий муҳофаза қилиш вазирлиги вазирликлари, идоралари, Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, бюджетдан молияланадиган ташкилот ва муассасалар билан биргаликда мазкур Фармон қоидаларидан келиб чиққан ҳолда пенсиялар, нафақалар, стипендиялар ҳамда бюджет муассасалари ва ташкилотлари ходимларининг мансаб маошлари миқдорини ўз вақтида қайта ҳисоблаб чиқишни таъминласинлар.

5. Бюджет муассасалари ва ташкилотлари ходимларининг иш ҳақи, пенсиялар, нафақа ва стипендияларнинг оширилиши билан боғлиқ харажатлар республика Давлат бюджети ва бюджетдан ташқари Пенсия жамғармаси ҳисобидан амалга оширилсин. Ўзбекистон Республикаси Молия вазирлиги Меҳнат ва аҳолини ижтимоий муҳофаза қилиш вазирлиги билан биргаликда 2002 йилги Давлат бюджети ва бюджетдан ташқари Пенсия жамғармасининг харажатларига тегишли тузатишлар киритсин.

6. Ҳўжалик ҳисобидаги қорхона ва ташкилотлар меҳнатга ҳақ тўлаш базавий фондининг белгиланган миқдорларидан келиб чиққан ҳолда ишлаб чиқариш самардорлигини ошириш ҳамда меҳнат сарфини камайтириш ҳисобидан 2002 йил 1 апрелдан бошлаб иш ҳақи миқдорини мазкур Фармонда белгиланган энг кам иш ҳақи миқдорига мувофиқ оширсинлар.

7. Ўзбекистон Республикаси Президентининг 2001 йил 29 июндаги ПФ-2893-сон Фармони (8-банди истисно қилинган ҳолда) ўз кучини йўқотган деб ҳисоблансин.

Ўзбекистон Республикаси Президенти  
**И. КАРИМОВ.**

Тошкент шаҳри, 2002 йил 26 март.

### Тадбир ҲАМКАСБЛАР САБОҒИ

Зангиота туманидаги 15-мактабда «Замонавий педагогик технология — комил инсонни тарбиялаш негизидир» мавзусида анжуман бўлиб ўтди.

Тумандаги таълим муассасалари раҳбарлари иштирокида ўтказилган мазкур тадбир мобайнида Тошкент вилояти педагог ходимлари малакасини ошириш институти доценти А.Акмалов, катта ўқитувчи Ш.Хошимовлар «Таълимни бошқариш моделлари» хусусида маъруза қилдилар. Катнашчиларда, айниқса, мезбон мактабда ишлайётган 2та фан номзода, 8та олий тоифали ва 4та биринчи тоифали ижодкор муаллимларнинг дарс ўтиш услублари билан бевоқифлик танқиди катта таассурот қолдирди.

Ўз мухбиримиз.



Бекобод туманининг Зафар кўрғонида истиқомат қилувчи ёшлар Наврўз шодийларини қўша-лоқ байрам сифатида нишонладилар. Бу эрда барча қўлайликларни ўзидан муҳасам этган янги касб-хўнар коллежи фойдаланишга топширилди.

Маълумки, Мустақиллик ҳар бир Ўзбекистонлик, айниқса ёшлар қалбида юрт ишига камарбасталиқни, касбига фидойилиқни қарор топтирди. Академик лицей ва касб-хўнар коллежлари қурилишининг авж олгани ҳам фикримиз исботидир. Бу тадбирлар келажак авлодининг маънаван ва жисмонан баркамол бўлиб вояга етишларига қаратилган.




## КОЛЛЕЖ Фойдаланишга ТОПШИРИЛДИ

«Далварзин» ширкат ҳўжалиги ҳудудида қурилган бу коллеж 900 нафар ўқувчига мўлжалланган. Унинг бунёд этилишида «Зафар» масъулияти чекланган жамияти қурувчилари бош-пудратчи бўлишди. Шунингдек, «Бинокор-20», «Лочин» кичик қорхоналари ҳамда «Бекобод қурилиш-монтаж бошқармаси» каби кўплаб ташкилотлар ҳам улар билан елкама-елка туриб ишлашди. Коллеж қурилишида 2 миллиард сўмга яқин қурилиш — монтаж ишлари бажарилди. 8,5 гектарлик майдонни эгаллаган ўқув юртининг асосий биносидан ташқари хиббон, спорт майдончалари барпо этилди. 200 ўринга мўлжалланган ётоқхона ҳам қурилди. Улар барча зарур жиҳозлар билан таъминланган.

Коллежнинг очилишига бағишланган маросимда вилоят ҳокими Умбат Мирзақуллова иштирок этди ва ўқувчиларга ўз сўғаларини топширди.

Акбар АЛЛАМУРОВОВ,  
«Тошкент ҳақиқати» мухбири.

СУРАТЛАРДА: коллеж очилиш маросимидан лавҳалар.



## ЗАМИН УЙҒОНДИ

Тартиб-интизом бор жойда мўлжалдаги ишлар ўз вақтида бажарилади, демак, ютуқларга замин яратилади. Окқўрғон туманидаги «Ўзбекистон» ширкат ҳўжалиги ҳақида сўз борганда, беихтиёр ана шундай фикрлар ёдга келади. Бу бежиз эмас. Мана, бир неча йилдирки, бу ҳўжалик экишда ҳам, гўза парваришида ҳам ва ниҳоят йиғим-термини ташкил этишда ҳам бошқаларга намуна бўлиб келмоқда. Шу тўғрисида тўғридан тўғри эмас, ҳатто вилоятда ҳам пахта режасини биринчилардан бўлиб ошириб бажаради.

— Тўғрими, — деб сўрайман ҳўжалик раиси Эргаш ота Ниёзовдан.

— Энди эл қатори меҳнат қилиб, бурчимизни адо этишга ҳаракат қилаймиз-да, — дейди отахон. — Биз биринчи навбатда деҳқоннинг туриш-туришуни, ҳаёт тарзи яхши бўлиши учун ҳаракат қиламиз. Агар деҳқон уй-рўзғор юмушларидан, тиричилигидан кўнгли тўқ бўлса, ўз-ўзиндан далага отланаверади. Деҳқончиликка

оид ҳар бир юмушни, тадбирни ўз вақтида адо этишга ҳаракат қилади. Унга «сен у ишни қил, бу ишни қил», деб ўргатишга ҳожат қолмайди. Экин-тикин ишлари вақтида бажарилдим, бу мўл ҳосилга дастлабки замин демақдир. Бу заминнинг пишиқ-пухталиги бутун йил давомидаги дала ишларининг муваффақиятига асос бўлади. Бунинг биз ўз тажрибамиздан яхши биламиз.

Ўзбекистонликлар янги мавсумга ҳам пухта тайёргарлик қўриб қўйдилар. Улар бу йил 930 гектар ернинг ҳар гектаридан режадаги 27 центнер ўрнига 40 центнердан ҳосил кўтаришига бел болганлар. Шу мақсадда энг аввало кузда шудгор қилиб қўйилган, ўғитланган майдонларга ер шариоитига мос сара чигитларни ўз вақтида экиб олишга ҳаракат қилмоқда.

Носир ИСАЕВ.

СУРАТЛАРДА: пудратчи Очил Умаров (чапдан ўнғига) бош ҳосилот Қаришбой Ортиқбоев, тракторчи Рўзиқул Усаровлар экиннинг сифатли утказилишига алоҳида аҳамият бермоқдалар; пёдиқа тағига чигит экин пайти.

Александр МАЛЬЦЕВ олган суратлар.

### Богисурх кўрғонидagi бу файзли хонадон доим гавжун бўлади. Бу эрга богисурхликлар ва унинг атрофидаги қишлоқларда истиқомат қилувчи ёш-кексалар, айниқса, айём кўнлар кўплаб ташриф буюришади.

Чунки, шу хонадоннинг фариштаси, ҳамма ҳавас қиладиган кексаси бор. Бу 110 ёшли Ортиқжон Бозорқуловдир. Уч асрни кўрган,

### УЧ АСРНИ КўРГАНЛАР

не-не тарихий воқеаларнинг тирик гувоҳи бўлган бу табарруқ инсон бутун умри бўйи Богисурхда яшаган, жамоа ҳўжалигида деҳқон бўлиб, кетмон чопган, ҳалол меҳнат билан шуғулланган. Ҳозир эса, кўплаб фарзандлар, набираво авара-чеваралар даврасида яшамоқда. Ангренда уч аср умр

### ВИЛОЯТ ҳаёти

#### ҚАРИЯЛАР ХУРСАНД БўЛИШДИ

Ангрен шаҳридаги 25-ўрта мактаб қошида ташкил этилган «Меҳр-саҳоват» клуби аъзолари шаҳардаги боқувчисига йўқ кексаларни йўқлаш, уларнинг кўнглиларини олиш, ишларида кўмаклашиш билан шуғулланади.

Наврўз кўнлари клуб фидойилари яна бир хайрли ишни амалга оширдилар. Ёш меҳрибонлар «Қорабоғ» маҳалласида яшовчи боқувчисига йўқ, ногиронлар Худойбау ота ва Бувижон ая Нишонновлар хонадонидан бўлиб, кексалар кўнглини хушнуд этдилар. Ҳовли ва уйлари саранжом-Уз мухбиримиз.



сарийта қилдилар. Уларга совғалар топширдилар. Қариялар хурсанд бўлиб, уларни дуо қилишди.

#### «ШИРИК» ИШ БОШЛАДИ

Наврўз байрами арафасида Чирчиқдаги кичик ва ўрта бизнес тузилмалари қаторига яна битта қорхона қўшилди.




«Ширик» фирмаси барпо этилиб, у ўзининг дастлабки махсулотини бера бошлади. Тадбиркор Бутаҳасан Яхёев очган бу фирма ишлаб

чиқариш ва уй-рўзгор чиқиндилари асосида ишлашга мўлжалланган. Бу ерда кимё санаяти қолдиқлари, қоғоз чиқиндилари ҳамда аминопластлардан мактаб ўқувчилари учун пластинлар, электр жиҳозлари учун қоғиқлар, рўзгор буюмлари каби махсулотларни тайёрлаш йўлга қўйилди.

#### САМАРЧУҒДА ТЕГИРМОН

Самарчўғ қишлоғи Ангрен шаҳрининг чеккадаги аҳоли манзилгоҳи ҳисобланади. Бу эрда нонни, асосан, тандирда ёпиб тановул қиладилар.



Шу сабабли унни кўп ишлатишади. Қишлоқ яқинидаги лалмикор ерларда етиштирилган галлани тортиш учун тегирмоннинг йўқлиги

анча овозгарчиликка сабаб бўларди. Эндиликда қишлоқ аҳолиси бу ташвишдан халос бўлди. Чунки, шу ерлик ўн фарзанднинг отаси бўлган тадбиркор сув билан ишлайдиган тегирмон қурди. Унинг чидамли тошини Навоий вилоятидан олиб келди. Тегирмонда ҳар соатда юз килограммгача ун чиқарилмоқда. Ишбилармон галла янчадиган ускунани ҳам ўрнатишни режалаш қўйди. Ҳадемай, бу эрда ёрма ҳам тайёрланадиган бўлади.

Ўз мухбиримиз.

#### Наврўз гуҳфаси

#### Театр кунига бағишланди

Ўзбек Миллий академик драма театрида 27 март — Халққаро театр кунига бағишланган байрам тадбири бўлиб ўтди. Унда юртимизда театр санъати раванкига катта эътибор берилётгани алоҳида таъкидланди. Президентимиз Ислам Каримовнинг ташаббуси билан шарқона ва замонавий услубда қайта бунёд этилган Ўзбек Миллий академик драма театри ҳамда унга расман «Миллий театр» мақоми бериш тўғрисидаги Фармони бунинг яққол далилидир.

Тадбирда, шунингдек, 2002 йил — Қарияларни қадрлаш йили деб эълон қилинган муносабати билан узок йиллар миллий театр санъатимиз ривожига муносиб хисса қўшган бир гуруҳ факрий санъаткорларга қимматбаҳо совғалар топширилди.

Нозоқат УСМОНОВА,  
ЎЗА мухбири.

Асосий қонунимизни ўрганамиз

# ҚОМУСИМИЗ — БАХТИМИЗ

## Фуқароларнинг бурчлари

47-модда. Барча фуқаролар Конституцияда белгилаб қўйилган бурчларини бажарадилар.



Ўзбекистон Республикаси Президентини И.А.Каримов таъкидлаганларидек, «Инсоннинг ўз ҳуқуқ ва бурчларини билиши инсоннинг конституциявий ҳуқуқларининг таъминлашнинг кафолатлайди. Биз одамлардаги эски тузум психологиясини ўзгартиришимиз ва янги ҳуқуқий онгни шакллантиришимиз лозим, инсон англасиники, эркинлик — бу бурч масъулиятидир».

Мустақил давлатимизнинг келажаги ва мустақамлиги, Конституция ва шу асосида қабул қилинган қонунларни белгиланган тартибда ижро этишга ва уларга амал қилишга ҳам боғлиқдир. Бу масала ҳуқуқимизнинг асосий диққат-эътиборидидаги муҳим масалалардан бири бўлиб, янги авлод тарбияси, қонунчиликини мустақамлаш ва фуқароларнинг ҳуқуқий маданиятини ошириш каби ишлар шу вазифанинг энг муҳим таркибий қисмидир.

Фуқароларнинг иттифоқини мустақамлаш, давлат томонидан ўрнатиб қўйилган тартиб ва қоидаларга риоя қилиш жамиятиши ривожини таъминлашнинг шартларидан бири бўлиб ҳисобланади. Республикада ўрнатиб қўйилган конституциявий тузум фуқароларга кенг ҳуқуқ ва эркинликлар бериши, уларни амалга оширишни кафолатлаш билан бир қаторда фуқаролар зиммасига маълум бир бурчларни бажаришни ҳам оқлайди.

Ўзбекистон Республикасининг фуқароси ва давлат бир-бирига нисбатан бўлган ҳуқуқ ҳамда бурчлар билан ўзаро боғлиқдирлар.

Фуқаролар Ўзбекистон Республикасининг Конституцияси билан ўзларига берилган конституциявий ҳуқуқ ва эркинликларини амалга оширишларида бошқа шахсларнинг, давлат ва жамиятнинг қонуний манфаатлари, ҳуқуқлари ва эркинликларига путур етказмасликлари шарт.

Фуқароларнинг конституциявий бурчлари жамият ва давлатнинг маълум шахсининг олдида қўядиган жуда зарур талабдир. Бу талаб Конституциянинг моддаларида ўз аксини топаган бўлиб, амалдаги қонунларда аниқ белгилаб қўйилган.

Конституциявий бурчларнинг ўзи ҳам ҳуқуқий ҳусусиятга эга бўлиб, унинг бажарилиши маълум бир воситалар билан таъминланади. Хар бир фуқаронинг ўз бурчларини бажармаслиги, фуқаронинг Конституцияда ўзига юклатилган мажбуриятни бажармагани ҳуқуқий муносабатлардан келиб чиқиб, унга нисбатан тегишли ҳуқуқ меъёри санкцияси қўлланилишига олиб келади. Ҳуқуқ ва мажбуриятлар ҳуқуқ меъёрларида бир хил даражада мустақамлаб қўйилган. Бу ўз навбатида тегишлича қонунга итоат қилувчи ҳуқуқ-авторни акс эттиради. Лекин, кўрсатилган меъёрлар доирасида ҳарқат қилиш имкониятини англададиган ҳуқуқдан фарқи равишда, зарур бўлган ҳуқуқ-автор ҳуқуқнинг меъёри мажбурий равишда ҳарқат қилиш заруратини кел-

тириб чиқаради. Демак, юридик мажбуриятнинг моҳияти шахс учун риоя қилмаслик тегишли жавобгарлик қорасини келтириб чиқарадиган, конституциявий меъёрда белгиланган муайян ҳуқуқ-авторга амал қилиш зарурлиги билан таъминланади. Шундай қилиб, жавобгарлик шундай ижтимоий-ҳуқуқий омилки, у бир томондан субъектнинг мажбуриятини амалдаги ҳуқуқий тартиб билан боғлана, бошқа томондан унинг мажбуриятга қатъий ва сўзсиз риоя қилишини таъминлайди ҳамда фаоллигини рағбатлантиради.

Конституциявий мажбуриятлар бутун халқ, жамият, давлат манфаатларини, шунингдек, ҳар бир фуқаронинг манфаатини кўзлаб ўрнатилади. Чунки Конституцияда мустақамлаб қўйилган мажбуриятлар асосий мажбуриятлар бўлиб ҳисобланади. Бу уларни қонунчилик тизими ва ҳуқуқ тармоқларида белгилаб қўйилган бошқа мажбуриятлардан фарқлашга шариоат яратиб беради. Чунки конституциявий мажбуриятлар фақат давлатимизнинг Асосий Қонунида мустақамлаб қўйилган учун шаклланганга эмас, балки маъмулан ҳам асосий мажбуриятлардир. Чунки улар ҳуқуқ ва эркинликлар каби шахс ва жамият, давлат ва унинг фуқароси ўртасидаги энг муҳим, принципал алоқалар ва муносабатларни ҳам ўзида акс эттиради.

Фуқаролик ҳуқуқ ва бурчларнинг асослари Ўзбекистон Республикасининг қонунларида назарда тутилган тамойиллардан, шунингдек, фуқаролар ва ташкилотларнинг қонунда назарда тутилмаган бўлса-да, фуқаролик қонунларининг маъмулан, фуқаролик ҳуқуқлари ва бурчларини вужудга келтирадиган ҳатти-ҳаракатлардан келиб чиқиб фуқаролик кодексига баён қилинган.

Ўзбекистоннинг ҳар бир фуқаросига Конституция ва қонунларда берилган ҳуқуқлар билан бир қаторда мажбуриятларнинг ҳам юклатилиши ва уларнинг ўз вазифа ҳамда бурчларини астойдил бажариб бориши қонунчиликини мустақамлаш учун ҳам хизмат қилади.

Ўзбекистоннинг мустақамлигини мустақамлашни истаган ҳар бир фуқаро Конституция ва қонунларнинг устуворлигига сўзсиз риоя қилиши, ўзига юклатилган ижтимоий бурчларни бажаришга нисбатан ҳалол муносабатда бўлиши, шунингдек, миллий анъаналар ва қадриятларни хурмат қилиши лозим.

**Эргаш САЙИТОВ,**  
Ўзбекистон Республикаси Адлия вазирлиги бошқарма бошлигининг ўринбосари,  
3-даражали адлия маслаҳатчиси.

«2002 йил — Қарияларни қадрлаш йили»



Илгари хабар берилганидек, Тошкент туманидаги **Гибс Умаров номи ширкат хўжалигининг соғломлаштириш марказида вилот фахрийларини шарафлашга бағишланган тантана бўлиб ўтди. Бу тантанани эл-юрт олдидаги хизматлари юқори баҳоланган, меҳнатлари қадр топаган қариялар хурмати ўрнига қўйилди.**

— Бу дорилмон қунарларга етиб келишимиз ўзи бўлмади, — деди вилот ҳокими Умнат Мирзақулов фахрийларни муборакбод этар экан. — Бунда энг аввало сизларнинг хизматингиз бекибсиз. Белингизда куч-қувват бўлган, байратингиз жўш урган чоғларда сизлар элим деб, юртим деб яшадиганлар, қийинчиликларни чидам ва сабот билан енгдиганлар, ёруғ қунар албатта келишга қаттиқ ишониб, кўпчиликка ўрнак кўрсатдинглар. Мана, энди кекалик гаштини сураётган хозирги қунарларингизда сизлар ўзларингизнинг ибратли ҳаётларингиз, доно маслаҳатларингиз билан ишларни мустақамлашга, улкан ва яратувчилик ишларига руҳлантиришмоқдасизлар. Бунинг учун сизларга катта раҳмат, бахтимизга кўп яшанглар, узок

йиллар омон бўлинглар. Ана шундан сўнг бир пиёла чой баҳона дийдорлашув, самимий ва дилкаш суҳбатлар бошланди. Фахрийлар умрларини сарҳисоб қилиб, шўқуналар айтдилар.

— Утган кунларни эсласам, баъзида юрагим орқага тортиб кетади, — дейди узок йиллар давомида Тошкент туманидаги Мухаммадқон Фозил номи хўжалик раҳбарлик қилган, эл-юрт хурматини қозонган Сидқиқон ота Мухаммадқонов. — Коммунистик зугум авжига чиққан пайт эди. Мени бир кунни вилот партия қўмитасига чақирдилар. Уша пайтдаги раҳбарлардан бири бе йўқ, бе йўқ менга дўқ қила кетди: «Сизлар жуда бойиб кетибсизлар-ку, буни текшириш керак».

— Бунинг нимаси ёмон, — дедим мен бўш келмай. — Одамларимиз меҳнат қилишга, шунга яраша роҳатини ҳам қўришлари керак-да.

— Шундаки, — деди у, — кўра миз нима деб жавоб берар-

ларда бошланган бюро йигилиши азонгача чўзилса-я. Ҳеч кимнинг қулоғига гап қирмайди, кўплар мудраб ўтирарди. Бир маҳал тонг ҳам отди, хўрозлар кичкирди. Мажлисда катнашган муҳбирга бу ҳолат қаттиқ таъсир қилган экан газетанда «Хўрозлар кичкирганда» сарлавҳаси билан таққидий мақола босиб чиқарилиди. Мана, хозир мажлис онда-сонда бўлади, қисқа ва лўнда қилиб ўтказишади. Энг кераклиси, деҳқонга ишонч билдирилди, у ерга эгалик қилапти, демак, у ўз ишини билиб қилади, унга шариоат яратиб берилса бўлган.

Уша кун бундай суҳбатлар кўп бўлди. Фахрийлар мустақамлик қишлоқ меҳнатқашларига, хусусан, деҳқонларга катта имкониятлар яратиб берганини, улар бойлик яратишни қўяптириш учун ўз тажрибалари, маҳоратларини ишга солиб, астойдил меҳнат қилаётганликларини фахр билан айтдилар. Ҳуқуқимизга, Юртбошимизга миннатдорчилик сўзларини изҳор этдилар. Дийдорлашув онлари шу бўлдики, у тилимизни қайтариб берди.

— Эсингдами, Абдураззоқ, — дейди бухалик отахон Зокир ака Махсумовнинг сўзларига қулоқ беринг-а: — Қишлоқ хўжалигига оид катта-катта йиғинларда оддий бир деҳқон ўз фикрини, мулоҳазасини, тақлифини тилбарга чиқиб, ўзининг она тилида тушунтириб бериш имкониятига эга эмасди. Шунинг учун индамай ўтиришни маъқул кўрарди. Мустақамликнинг энг ноёб неъматларидан бири шу бўлдики, у тилимизни қайтариб берди.

— Эсингдами, Абдураззоқ, — дейди бухалик отахон Зокир ака Махсумовнинг сўзларига қулоқ беринг-а: — Бўлар бўлмас йиғилишларга чақиравериш, бизни ишдан қўйишарди. Сира эсимдан чиқмайди. Бир кун кеч соат беш-

**СУРАТЛАРДА:** фахрийларни шарафлаш тантанасидан лавҳалар.

**Даврон АҲМАД олган суратлар.**



АЛИМКЕНТДА ЖОРИЙ ҚИЛИНДИ


Ўзбекистон Фанлар академиясининг Биорганик кимё сановати институти олимлари сановат асосида ишлов берилмаган гўза чигити ёғидан техник госсиполни ажратиб олишнинг тақомиллашган технологиясини яратиш борасида яхши натижаларга эришмоқдалар.

Чигит таркибидидаги эркин госсиполни қораёғ таркибига мумкин қадар тўла ўтказиш технологияси яратилиши ҳам илмий муассасанинг катта ютуғи бўлди. Бу ўз таркибидида госсипол миқдори нисбатан кўпроқ бўлган пахта ёғини сановат микёсида ишлаб чиқаришни йўлга қўйиш имконини берди.

Шу мақсадда ушбу технология республикада биринчилардан бўлиб Аликмент ёғ заводида жорий этилди. Олинган дастлабки тажриба намунаси бу хил маҳсулотни сановат асосида кўпроқ ишлаб чиқариш мумкинлигини кўрсатди.

Ақбар АЛИЕВ.

## «Шох-Полон-М» ишлаб чиқаради



«Шох-Полон-М» Ўзбекистон-Польша қўшма корхонасида «Янтар» пивосини ишлаб чиқариш йўлга қўйилган эди. Яқинда корхона раҳбарияти янги режани амалга оширишга киришди. Салқин ичимликлар ишлаб чиқарувчи қўшмача цехни ишга тушириш мақсадида Польша республикасида замонавий технологияларни келтириб ўрнатилди. Хозирда соғлаш ишлари ниҳоясига етай деб қолди.

Ун турга яқин салқин ичимликлар тайёрловчи ушбу цех ишга тушса, янгийўлиқ 50 нафар киши ўз иш ўрнига эга бўлади.

**СУРАТДА:** (чапдан) корхона операторлари Камолдин Алиязаров, Баҳодир Алиязаров ҳамда Абдуқаном Турғунбоевлар соғлаш ишлари вақтида.

Дилшод АҲМЕДОВ олган сурат.

Тақдимот

## «МАТИЗ»



### РОССИЯ КЕНГЛИКЛАРИНИ ЗАБТ ЭТМОҚДА

Москвада Ўзбекистоннинг янги автомобили «Matiz» тақдимоти муваффақиятли ўтди

Сўнги йилларда чет элларда ишлаб чиқарилган қайси русумли автомобил Россияда энг харидорғир бўлаётми? Бу саволга москвалик кўпгина танишларим, жумладан, ахборотга ташна журналист ҳамкасблар ҳам жавобни бериша олмади. Бу Ўзбекистоннинг «Нексия»сидир, деган жавобини эшитиб, улар бироз ажабланишгандек бўлишди.

Аслида ҳам шундай. Масалан, биргина ўтган йилнинг ўзида россияликлар 10 минг дон «Нексия» харид қилишди.

«УздЭУавто» янги махсулотининг Москвадаги тақдимоти ўзбек автомобилларининг Россия бозоридида нуфузи янада ошишига бўлган ишонччи мустақамлашти.

Тақдимотда «Matiz»нинг биринчи харидорига унинг калити топширилди.

**О. ШАТУНОВСКИЙ,**  
«Жаҳон» АА муҳбири, Москва.

(ЎЗА ХАБАРЛАРИ АСОСИДА ТАЙЁРЛАНДИ).

## «ЮРХАС» ОТАЖ АКЦИЯДОРЛАРИ ДИҚҚАТИГА!

Ҳиссадорлик жамияти Тошкент шаҳар Дилкаш кўчаси, 2-уйда навбатдаги йиллик мажлиси ўтказилишини маълум қилади. Мажлис 29 апрель соат 11.00да бўлади.

Акциядорларни рўйхатдан ўтказиш соат 10.00дан бошланади. Рўйхатдан ўтиш чоғида акциядорларнинг паспорти, шахс вакили эканлигини тасдиқловчи далолатнома кўрсатилиши лозим.

КҮН ТАРТИБИ

1. 2001 йил фаолият якунлари бўйича жамият йиллик ҳисоботи, бухгалтерлик баланси, фойда ва зарар ҳисоби, фойдани тақсимлашни тасдиқлаш.
2. Жамиятнинг 2001 йилги фаолияти тўғрисида тафтиш ҳайъати ҳулосасини тасдиқлаш.
3. 2001 йил учун молия ҳисоботининг ҳақиқийлиги тўғрисида аудитор ҳулосасини тасдиқлаш.
4. 2001 йил учун дивидендлар миқдорини тасдиқлаш.
5. Жамиятнинг 2002 йил учун бизнес-режасини тасдиқлаш.

Навбатдан ташқари мажлисга тайёргарлик кўриш чоғида акциядорларга тақдим этиладиган маълумотлар билан 2002 йил 25 апрелда жамият бошқарувида танишиш мумкин.

КУЗАТУВ КЕНГАШИ.

## ЛОҚАЙЛИКНИНГ ХҲНҮК ОҚИБАТЛАРИ

Жорий йилнинг ўтган икки ойи мобайнида вилотимиз ҳудудида 270та ёғин содир бўлди, шундан 21таси халқ хўжалик корхоналарида, 207таси фуқаролар хонадонларида рўй берди. Ёғин оқибатида 5 нафар фуқаро ҳалок бўлди, 21 нафар фуқаро эса, тан жароҳати олди. Бунга фуқароларимизнинг оддий ёғин хавфсизлиги қондаларига риоя қилмасликлари сабаб бўлмоқда.

Ёғинлар асосан газ ва электр ускуналарининг носозлиги ва улардан фойдаланишда ёғин хавфсизлиги қондаларини бузилиши ҳамда оловдан эҳтиётсиз фойдаланиш натижасида содир бўлмоқда.

Жумладан: Зангиота тумани, Хонобод фуқаро-лар йиғини, «Гўзал» маҳалласи, Табассум кўчаси, 28-уйда истикомат қилувчи фуқаро Б. Умаровнинг уйда печ мўриси носозлиги оқибатида ёғин содир бўлиб, 120 кв.м майдонда уйнинг

томи ёнган. Тошкент тумани, Хасанбой кўрғони, Шоюнусов кўчаси, 3-уйда истикомат қилувчи фуқаро С. Умаровнинг уйда 80 кв. м майдонда уйнинг шифти, томи ва жиҳозлари ёниб кетган. Паркент тумани, «Чанги» жамоа хўжалиги, Ш.Юнусов кўчаси, 11-уйда истикомат қилувчи фуқаро Д. Туроповнинг уйда электр силларининг қисқа туташуви оқибатида ёғин бўлиб, 120 кв.м майдонда молхона томи ёниб кетган. Янгийўл тумани, Орти-

ков номи жамоа хўжалиги, Ойбек кўчаси, 137-уйда истикомат қилувчи фуқаро Б.Мусаевнинг уйда ёғин содир бўлиб, 200 кв. м. сатҳли том ёнган. Дарҳақиқат, олов — тилсиз ёв экан, ундан эҳтиёткорлик билан фойдаланиш ҳар биримизнинг бурчимиз бўлмоғи лозим. Шунини алоҳида таъкидлаш керакки, ёғин хавфсизлиги хизмати ходимлари офатнинг олдини олиш юзасидан қанча саяёҳаракат қилишмасин, фуқароларимиз, оддий

**Раъзия СУЛАЙМОНОВА,**  
Тошкент вилот ИИБ ЕҲБ ноҳири,  
ички хизмат лейтенанти.

# САҶОВАТПЕШАЛИК ГУЛТОЖИ

Наврўзий хушвақтлик кунлари Йўғонтепанинг «Баҳор» маҳалласида ҳали кўз кўриб, қулоқ эшитмаган суннат тўйи бўлиб ўтди. Бир йўла саксондан ортиқ гўдакнинг «қўли ҳалолланди».



— Кишлоқларимизда тadbиркорлар кўп, шуқурки, мустақиллик уларга кенг йўл очиб берди, — дейди Абдулла Ортиқов номли кишлоқ фуқаролар йиғини раиси Асатулла Ўламов. — Лекин уларнинг ҳаммалари ҳам халққа қайишавармайди, унинг қорига ярай, хизматини қилай, демайди. «Ўткир» хусусий фирмасининг раҳбари бўлакча Саҳоватли, меҳр-мурувватли, бағри кенг, дунёнинг пастбаландини кўп илғайдиган бир инсон. Шу оланнинг саъй-ҳаракати билан маҳалланинг чойхонаси қайта таъмирланди. Аслида бутунлай янгидан қурилди. Очик саҳнда 500, қишки залда 120 кишига хизмат қилиш мумкин бўлган бутун бир оромгоҳ мажмуи барпо этилди. Шу ишларнинг бари олти ойда битказилиб, саҳоватли тadbир-



ишга туширди. Унинг беэакли, шинам залида бир йўла 300 хўрандага хизмат кўрсатиш мумкин. Энг янги ускуналар билан жихозланган кўримли, файзли бу қаҳвахонада тўйлар, юбилейлар ва бошқа оилавий маросимларни ҳам нишонлаш мумкин.

Ишнинг кўзини билладиган, иймонли-этиқодли тadbиркор фақат ўз сармоясини кўпайтириш, бойликка бойлик қўшиш иштиёқи билан яшамайди. Эл-юртнинг хизмати-га ҳаммаша камарбаста бўлади, шаҳар ва кишлоқларнинг ободонлигини ўйлайди, ўз меҳр-саҳовати билан кўнгилларга маъна бўлади.

Мана шу «Баҳор» маҳалласидаги тўй ҳам ана шундай бир интилиш ҳосиласи. Тонг махали кўша-кўша карнай-сурнайлар садоси одамлар-



СУРАТЛАРДА: Йўғонтепада бўлиб ўтган суннат тўйидан лавҳалар. Даврон АҲМАД олган суратлар.

Янгича урфлар ни тўйга чорлади, Янгигина ишга тушган максаган тумонат одам йиғиди. «Ўткир» саксондан ортиқ бу кичкинтойлар тўйини ўтказишга алоҳида бир ҳавас ва иштиёқ билан тайёргарлик кўрди. Болаларнинг бари бир сидра бадастр кийинтирилди. Ҳар бир тўйболага 15 минг сўмдан суюнчи пули берилди. Тўйга атраф кишлоқлардан меҳмонлар чорланди. Катта-катта саҳраларда дастурхонлар ёзилиб, учта дошқозонда ош дамланди. Тўйда каттаю кичик мириқиб кўнгли ёзди, давраларда ширин-ширин суҳбатлар қурилди. Ниёзбош кишлоқидан Нурмухаммад Мирзаахмедов бошчилигидаги санаткорларнинг куй-кўшиқлари, шўх-шўх рақслари ҳаммани хурсанд қилди. Йўлдош Раҳимов, Муҳитдин Шукуров, Турғун Нейматов сингари пиру бадавлат мўсафидлар тўйболаларга узоқ умр, бахт-саодат тилаб, қайта-қайта дуога қўл очиди.

... Замон ўзгаряпти. Ҳар бир Наврўз мамлакат шаҳар ва кишлоқларига янги кунни, янги орзу-хавасларни, янгича интилишларни олиб келаяпти, одамлар руҳиятига янги оилавий маросимларни, меҳр-мурувватни, раҳм-шафқатни сингдираяпти. Бу Наврўз ҳам юртимизга беадад янги тилақлар, мақсадлар билан кириб келди. Қадимий бу диёр халқи бугунги синиқликни, тангликни бартараф этиб, қаддини тўтиб, елкадошу мададор бўлиб, шу тилақлар, шу мақсадлар йўлига дадил ўтаяпти. Бир-бирига оқибат кўрсатиб, тирсагига қувват бериб, янги кунларни бошлаяпти. Йўғонтепада ўтган суннат тўйи мана шундай саҳоватпешалик, фарзандлар иқболига поёндоз ёзиш истагининг ҳосиласи бўлди.

Жўрабек МУРОДОВ, Янгийўл тумани.

Яқинда Япония ташқи ишлар вазирлиги томонидан ташкил этилган «Дунё ёшлари алмашув дастури»нинг навбатдаги анжумани бўлиб ўтди. Унда жаҳоннинг 35 мамлакатидан вакиллар иштирок этди. Мазкур симпозиумда МДХ мамлакатлари орасидан Ўзбекистондан ташқари Россия ва Озарбайжон вакиллари ҳам катнашди. Иштирокчиларнинг ақсарияти ёш олимлар, журналистлар ҳамда ёшларнинг турли ижтимоий ва нодавлат ташкилотлари вакиллари эди.

Дастур кун тартибидан, асосан, дунёвий хавфсизлик муаммолари, халқаро терроризмга қарши ҳамкорликда кураш чора-тадбирлари ва шу каби жиддий глобал масалалар жой олди.

# ЖАҲОН ЁШЛАРИНИНГ ТОКИО АНЖУМАНИ

Даставвал «Дунё ёшлари алмашув дастури» иштирокчилари Хиросимада тинчлик ёлғорлиги музейини зиёрат этишди. Киото шаҳри маданий ёлғорликлари билан танишувдан сўнг улар япон оилаларида меҳмон бўлишди.

Тadbир якунида «Дунё ёшлари алмашув дастури» иштирокчилари ана шу масалалар юзасидан ўзларининг норасмий меморандумини қабул қилдилар.

Б.АЛИМОВ, «Жаҳон» АА мухбири. Токио.

Ўзбекистон Республикаси Вазирлар Маҳкамасининг «Тadbиркорлик фаолияти билан шуғулланувчи жисмоний шахслардан соликлар ва йиғимларни ундиришни тартибга солиш тўғрисидаги қарорнинг мазмун моҳиятини, шунингдек, мамлакат Президенти ва ҳукуматнинг тadbиркорликни қўллаб-қувватлашга қаратилган фармон ва қарорлари асосида бериладиган имтиёзларни, солик қонунчилигидаги ўзгаришлар, имтиёзли кредитлар олиш тартиби ҳамда тadbиркорликнинг ҳуқуқ ва мажбуриятларини ўрта ва кичик бизнес вакилларига, фермер хўжаликлари раҳбарлари ва яққа тартибдаги меҳнат фаолияти билан шуғулланувчиларга батафсил тушунтириш мақсадида бир қатор машғулот-кеңашлар ўтказилди. Шундан сўнг ҳукумат қарорлари ва Президент фармонлари ижросида қандай ўзгаришлар юз берди? Мухбиримизнинг бу саволига вилоят давлат солик бошқармасининг жисмоний шахсларни соликқа тортиш ва назорат қилиш бўлими бошлиғи Ўткир Иброҳимов жавоб беради.

## Қарор ва ижро

инспекцияси, иккинчиси солик тўловчи учун, асосий бўлмаган яшаш жойи учун эса, уч нусхада (иккинчиси ишлаган жойидаги солик инспекцияси ва биттаси солик тўловчи учун) тузилади. Декларация варақалари солик идораси томонидан бепул берилди.

Тadbиркорликнинг аҳолига транспорт хизмати кўрсатиш тури билан шуғулланувчи фуқаролар лицензия олиш учун республика автомобил ва дарё транспорт агентлигининг вилоят бўлимига ариза беришлари керак. Хусусий тadbиркор гувоҳномасини олиб, лицензия йиғимини тўлаганларидан сўнг, уларга қитанция берилади. Фуқароларнинг лицензия олишлари учун қулайлик яратиш мақсадида улар яшайдиган туман ёки шаҳарларга бориб, жойида топшириш йўлга қўйилди. Бундан ташқари лицензия бир йил мuddатга берила бошлади. Илгари эса, у беш йиллик эди ва кўпчилик бу мuddатга белгиланган йиғимни беришга тўлай олмасди. Оқибатда, айрим шахслар лицензияси фаолият юритиб, қонунбузарлик қилишга мажбур бўларди.

Вилоят солик идоралари ходимлари бундай қонунбузарликларга чек қўйиш мақсадида йўл ҳаракати хавфсизлиги идоралари, республика автомобил ва дарё транспорт агентлиги вилоят бўлими ходимлари билан ҳамкорликда текширувлар ўтказмоқда. 2001 йилда текширувдан ўтказилган 2237та транспорт воситаси эгаларидан 410 нафари қонунбузарликка йўл қўйгани аниқланди.

Вилоят давлат солик бошқармаси 2002 йил учун вилоят йўл ҳаракати хавфсизлиги бошқармаси, «Ўзавтотранс» агентлиги вилоят бўлими билан ҳамкорликда мулкчилик шакли, транспорт тури ва сифидан қатъий назар юк ва йўловчи ташиш транспорт воситалари фаолиятини тартибга солиш, маҳаллий ҳокимият ва солик идораларида рўйхатдан ўтказмасдан, лицензия олмай, солик тўламай, тadbиркорлик фаолияти билан шуғулланувчиларни аниқлашга қаратилган чора-тadbирлар режасини ишлаб чиқиб, шу асосда иш олиб бормоқда. Асосий мақсад даромад олиш илнжидат тadbиркорлик (савдо, ишла, хизматл) билан шуғулланувган жисмоний шахслардан даромад солиғи ва бош тўловларини вақтида қандай тўлиқ унд. иш, шунингдек, солик қонунчилигининг ҳар қандай бузилишлари олдини олишдир.

Сўхбатни Абдусамид Йўлдошев ёзиб олди.

# СОЛИҚ ҚОНУНЧИЛИГИ — БАРЧАГА БАРОВАР

лик фаолиятини юритиши ҳоллари учраб турибди. Маълумки, жисмоний шахсларга маҳаллий ҳокимият идораларида рўйхатдан ўтмай, яққа тартибда меҳнат фаолияти билан шуғулланувчи шахс сифатида, солик идораларига даромадлари ҳақида бир марталик декларация тақдим этиш ҳуқуқи берилган. Бир марталик операциядан мўлжалланган даромад миқдори аниқ қўрсатилган бундай декларация солик идорасига ишни бажаришга қаратилган ҳақида тақдим этилади. Солик идораси шу асосида тегишли даромад солиғини ҳисоблаб чиқаради. Фуқаро ҳисобланган солиқни тўлаганидан сўнг, унга шу ҳақида қитанция ва декларация топширилади. Агар фуқаро солик идорасига бир марталик декларация тақдим этмай ва ҳисобланган солиқни тўламай, яққа тартибдаги меҳнат фаолиятини амалга оширсин (савдо, иш, хизмат), бу ҳужжатсиз тadbиркорлик билан шуғулланиш ҳисобланади ва қонунларда белгиланган тартибда жавобгарлик чоралари кўрилади.

Жисмоний шахс декларацияни яшаш ёки иш бажариш жойидаги солик идорасига тақдим этиши мумкин. Яшаш жойида тақдим этганда, декларация икки нусхада (биттаси солик

# ҲУРМАТЛИ ИШБИЛАРМОН ВА ТАДБИРКОР ЖАНОБЛАР!

Республика Кўчмас мулк биржасининг Тошкент вилояти филиали Сиз азизларни 2002 йил 25 апрель, 2, 9, 16, 23 ва 30 май кунлари соат 11.00да ўтказиладиган танлов савдоларига таклиф этади. ТАНЛОВ САВДОСИГА ҚУЙИДАГИ ОБЪЕКТЛАР ҚУЙИЛАДИ:

1. Тошкент вилояти, Бекобод шаҳар халқ таълими бўлими балансидаги Бекобод шаҳар, Кирпичний кишлоғи, Абасова кўчасида қўйлашган 16-сон болалар боғчаси объекти.
  2. «Нормал» масъулияти чекланган жамиятига қарашли Тошкент вилояти, Янгийўл шаҳрида жойлашган «Болалар боғчаси» объекти.
  3. Болалар боғчаси — 13 374 900 сўм (ер майдони бу баҳога қирмайди).
- Танлов савдосида қатнашишни хоҳловчилар, савдо ташкилотчиси — Тошкент вилояти Кўчмас мулк биржасига қуйидаги ҳужжатлар тақдим этиши лозим:
- Белгиланган шаклдаги ариза;
  - Объектга таклиф қилинаётган баҳо ва уни ишлатишнинг бошқа жиҳатлари кўрсатилган алоҳида конвертда муҳрланган бизнес-режа ва таклифлар;
  - Савдо ташкилотчиси (РКМБ ТВФ)нинг ҳисоб рақамига объект бошланғич баҳосининг 10 фоизлик гаров пули тўланганлиги ҳақида тўлов қогози нусхаси;
  - Юридик шахслар учун унинг рўйхатдан ўтганлиги ҳақида ҳужжат нусхаси;
  - Юридик шахслар учун нотариус томонидан тасдиқланган Низом нусхаси;
  - Жисмоний шахслар учун паспорт.

Тақдим этилган муҳрланган конвертлардаги бизнес-режалар 2002 йил 25 апрелда Тошкент вилояти Кўчмас мулк биржасида соат 11.00да комиссия иштирокида очилади. Аризаларни қабул қилиш савдо бошланғичига 3 кун қолганида тўхтатилади.

4. Мактабгача болалар муассасасининг фаолият йўналишини 5 йил мобайнида ўзгартирмайсиз.
  5. Мактабгача ва бошланғич мактаб ёшидаги болаларни тарбиялаш ва ўқитишни ривожлантиришга йўналтирилган муассаса ташкил этиш.
  6. Амалдаги талаб ва меъёрларга мувофиқ болалар мактабгача муассасаси биноси, иншоотларни таъминлаш ва қайта қуриш.
  7. Боғча ҳудудини санитар талаблар буйича ободонлаштириш, ёнғинга қарши чора-тadbирларга мувофиқ сақлаш.
  8. Ўзбекистон Республикасининг қонунлари ва меъёрий ҳужжатларига асосан, болалар билан ишлаш таълим-тарбиявий концепциясига эга бўлиш.
  9. Таъсисчилар Низомида педагогик фаолият билан шуғулланиш бандининг мавжуд бўлиши.
  10. Болаларга хизмат кўрсатиш тарифи буйича таклиф бериш.
  11. Объектнинг баҳоси буйича таклиф бериш.
  12. Давлат тасарруфида бўлган ва фаолият олиб бораётган болалар боғчалари таркибида ёки унинг ҳудудида болалар боғчаси тузиш, шунингдек, аҳоли истиқомат қиладиган жойларда фаолият олиб бораётган давлат ихтиёрида бўлган болалар боғчаси ягона бўлса алмаштириш мумкин эмас.
  13. Хусусийлаштириш субъекти билан болалар боғчаларидан белгиланган тартиб буйича фойдаланишларини кафолатланган жисмоний ва юридик шахслар буйича бўлиши мумкин.
- Эслатма:** сотиб олувчилар томонидан мулкнинг харид тўловларидан ташқари, яъни давлат божи ёки Давлат ордерини олиш учун, мулк харид қилмаганининг бир фоизи миқдоридagi маблағ ва баҳолаш хизмат ҳақини алоҳида «XususiyLashTirishga ko'maklashish konsalting markazi» ҳисоб рақамига ҳужжатлар асосида тўланади.

# ҲУРМАТЛИ ИШБИЛАРМОН ВА ТАДБИРКОР ЖАНОБЛАР!

Сизларни БИРЖА савдосига таклиф этамиз. БИРЖА САВДОСИГА ҚУЙИДАГИ ОБЪЕКТЛАР ҚУЙИЛАДИ

Т/р	Объект номи ва тавсифи	Объект манзили	Бошланғич баҳоси минг сўм	40000,00	4720,80	12000,00	6924,80	4720,80	12000,00	6505,00	40000,00	6924,80	403,00	373,00	323,00	306,00	373,00	600,00	171,70	154,00	166,80	179,70	109,00	156,00	78,00	409,00	295,00	492,00	378,00	243,20	710,00																																																					
1	Консерва ишлаб чиқариш цехи биноси	Оққўрғон тумани	6900,00	Охангарон тумани	40000,00	Чирчиқ ш. 8-мавзео, 40-А уй.	4720,80	Бўстонлик тум.	12000,00	Чирчиқ ш. 8-мавзео, 40-А уй.	4720,80	Бўстонлик тумани,	12000,00	Чиноз тумани,	6505,00	Охангарон тумани	40000,00	Чирчиқ ш. 8-мавзео, 40-А уй.	4720,80	Чирчиқ ш. 2-сон савдо шаҳобчаси	323,00	Чирчиқ ш. 2-сон савдо шаҳобчаси	306,00	Чирчиқ ш. 2-сон савдо шаҳобчаси	373,00	Юкюрчирик тум. «Ўзбекистон» пахта тозалаш заводи	600,00	Уртачирчиқ тум. ҳокимият	171,70	Уртачирчиқ тум. ҳокимият	154,00	Уртачирчиқ тум. ҳокимият	166,80	Уртачирчиқ тум. ҳокимият	179,70	Ангрэн ш. Тиббиёт билим юрти	109,00	Ангрэн ш. Халқ таълими бўлими	156,00	Ангрэн ш. Халқ таълими бўлими	78,00	Ангрэн ш. АТТ-72	409,00	Янгиобод ш.	295,00	Бекобод ш.	492,00	Бекобод ш.	378,00	«Йўйқурилишжамгармабанк»	243,20	Тошкент вилояти, силга қарши кураш диспансери	710,00																															
2	Умум.овқат.ошхона.нинг «54-корпуси»	Ангрэн ш.	13768,90	16	Чирчиқ шаҳар ҳокимиятига қарашли 368,3 кв.м. бўлган «Нотура» жой биноси»	4720,80	18	Кур. тугатилмаган бино	12000,00	19	Чирчиқ шаҳар ҳокимиятига қарашли 368,3 кв.м. бўлган Нотура жой биноси	4720,80	20	«Хиماвотатика» АЖга қарашли Дам олиш маскани бино ва иншоотлари	6505,00	21	Чиноз ҳудудий бирлашмасига қарашли «Олмазор» кишлоқ шифокорлик амбулаторияси	40000,00	22	Олмалик шаҳар «Аммофос» ИЧБга қарашли «Наврўз» болалар соғломлаштириш оромгоҳи	40000,00	23	Кур. тугатилмаган бино	6924,80	24	ГАЗ-5204, 11 АГ 461	403,00	25	ГАЗ-5312, 33-17 ТВ, 1984 й.	373,00	26	ГАЗ-5312-16, 33-21 ТВ, 1986 й.	323,00	27	ГАЗ-6602, 33-22 ТВ, 1983 й.	306,00	28	ГАЗ-5312-01, 33-16 ТВ, 1986 й.	373,00	29	T-28X4 M, 1992 йил 64-07 ЕР	600,00	30	ВАЗ-2103, 21-24 ТША, 1981 й.	171,70	31	M-2140, 00-49 ТШБ, 1984 й.	154,00	32	M-412 ИЭ028, 57-98 ТША, 1987 й.	166,80	33	M-412 ИЭ028, 08-16 ТША, 1990 й.	179,70	34	M-2140, 18-83 ТШС, 1987 й.	109,00	35	M-21412, 94-72 ТША, 1993 й.	156,00	36	M-426, 83-37 ТШГ, 1970 й.	78,00	37	ГАЗ-2401, 92-43 ТША, 1986 й.	409,00	38	ГАЗ-2401, 94-67 ТШР, 1984 й.	295,00	39	ГАЗ-53, 49-48 ТШЛ	492,00	40	ГАЗ-53А, 11 АН 416, 1985 й.	378,00	41	ГАЗ-53А, 98-38 ТШП, 1980 й.	243,20	42	M-21412, 11 АЕ 637, 1992 й.	710,00	43	ЗИЛ-130, 11 АР 147, 1977 й.	

\*\*\*Вақтинча савдодан тўхтатиб турилган. Тошкент вилоят давлат мулкни бошқариш бошқармасининг 11.03.2002 йилдаги 09-192-сонли хати. Биржа савдолари ҳар ҳафтагини душанба, чоршанба ва жума кунлари ўтказилади. **Бизнинг манзил:** Тошкент шаҳар, Мовароуннаҳр кўчаси, 17-уй, вилоят ҳокимияти биносининг ўнг қаноти. **Тел:** 133-28-52, 133-77-18, **факс:** 133-43-73.

